

凡圖其急莫急於輿圖、而又其難莫難於輿圖焉、以其大則體國經野、控御攻守之政、其細則讀書考古、探勝按蹟之學、蓋不可一日而缺者矣、而山之背向、水之迂直、吾儕孟浪、躬親履其地、猶且轉回數步之外、已茫然失方位、況天下之大山海之邈、苟非曠懷偉度、有領略四海之量、而縝密精細、有分折毫釐之明、則焉能約略其梗槩於尺幅上、而無差哉、長久保玄珠字子玉、常陸赤濱人、飽學而富文、又好研地理、西自肥東至奧躬略能涉其地、居常貼圖于步障、置之座側、凡雲游僧人、客商行旅、苟有抵其門、必延以飲食、與坐障前、指問其鄉里、及所歷山川城邑、道里險夷、其或裝齋圖記者、必請出之、證以已所親覩及載籍所記、參伍考究、積二十餘年、以成此圖、余嘗試叩以余所熟地界、子玉爲說、其迂直背向、險易沃瘠、與風俗之淳漓、舟車之通塞、歷歷指畫席上、皆盡其委曲、不繆毫釐也、余因益信其他、不苟焉、子玉長不满六尺、眇然小丈夫已、而其胸中所藏如此、亦可畏哉、

〔栗山文集題跋〕縮本日本輿地圖跋

赤水翁輿地圖、余已文而行之、未期年殆遍海內、其爲精確、世固知之矣、但方幅頗闊、是以旅途學窓人、病其難于展閱焉、頃曾生應聖縮以九宮法收入尺幅內、而其方位迂直、毫不繆原圖也、夫然後馬上輪中可閱之、於旅途燈前硯側可展之、於學窓不亦便乎、勸令亦刻而與人共之、

〔南蠻寺興廢記〕抑南蠻切支丹國ト云ハ、國號イスバニヤ并ホルトガルト云、海上日本里程一萬二千餘里、世界ノ圖ヲ以テ見ル時ハ、唐土日本ヨリハ西方ニ當ル國ナリ、

〔春海先生實記〕寛文十年庚戌、先生年三十二、以歐邏巴利瑪竇所著之坤輿萬國橫圖、乃畫屏縮畫一圓球、縱橫象天度及里方、號曰地球、是亦便于學地理、且我國之地圖、合天度而定方位、別爲深秘之一圖、前代所未會有之畫圖、而本朝第一之至寶也、

〔細川兩家記〕一同〇天文二十一月二日、播州赤松殿を爲御合力、阿波の三豐之康内衆先陣に、安宅方篠原右京進渡海して明石表へ陣取也、